

IZVJEŠTAJ NEOVISNOG REVIZORA

Vlasnicima i upravi „PSC BABIĆ“ dd BRČKO

Obavili smo reviziju finansijskih izvještaja društva „PSC BABIĆ“ d.d. Brčko (u daljem tekstu Društvo) prikazanu na stranama 5. do 32, za period 01.01.2018.-31.12.2018. godine, koji obuhvataju Bilans stanja (izvještaj o finansijskom položaju), Bilans uspjeha (izvještaj o uspješnosti poslovanja), Promjenama na kapitalu i Novčanom toku za godinu tada završenu, te Bilješke uz finansijske izvještaje u kojima je predstavljen pregled značajnih računovodstvenih politika kao i ostalih objavljenih informacija.

Kontrola finansijskih i drugih izvještaja je izvršena za predhodne godine, tako da ćemo se u svom daljem radu pozivati na predhodne godine. Nisam prisustvovao popisima, već sam se koristio Zapisnicima sa popisa.

ODGOVORNOST UPRAVE ZA FINANSIJSKE IZVJEŠTAJE

Uprava je odgovorna za sastavljanje i fer prezentovanje priloženih finansijskih izvještaja u skladu sa Međunarodnim standardima finansijskog izvještavanja (MSFI), kao i za one interne kontrole koje Uprava odredi kao nužne za sastavljanje finansijskih izvještaja bez materijalno značajnih grešaka koje mogu nastati kao posljedica prevare ili pogreške.

ODGOVORNOST NEOVISNOG OVLAŠTENOG REVIZORA

Naša je odgovornost izraziti mišljenje o priloženim finansijskim izvještajima na osnovu naše revizije. Obavili smo reviziju u skladu sa Međunarodnim revizijskim standardima (MRevS). Navedeni standardi zahtijevaju da reviziju planiramo i obavimo na način kojim ćemo steći razumno uvjerenje da finansijski izvještaji ne sadrže materijalno značajne pogreške.

Revizija uključuje provođenje procedura u svrhu pribavljanja revizijskih dokaza o iznosima i objavama prikazanim u finansijskim izvještajima. Izbor procedura zavisi od procjene revizora, uključujući i procjenu rizika materijalno značajnih pogrešnih prikazivanja u finansijskim izvještajima koje mogu nastati kao posljedica prevare ili pogreške.

U procjenjivanju tih rizika revizor razmatra interne kontrole relevantne za subjektivno sastavljanje i objektivni prikaz finansijskih izvještaja u skladu sa postojećim okolnostima, a ne u kontekstu izražavanja mišljenja o učinkovitosti internih kontrola subjekta. Revizija također podrazumijeva ocjenjivanje primjenjenih računovodstvenih politika i značajnih procjena uprave, kao i prikaza finansijskih izvještaja u cjelini.

Uvjereni smo da su revizijski dokazi koje smo prikupili dostatni i primjereni kao osnova za izražavanje našeg kvalificiranog mišljenja.

OSNOV ZA KVALIFICIRANO MIŠLJENJE

Nismo prisustvovali popisu zaliha, te ne možemo dati kvalificirano mišljenje o tom segmentu. Naročito se to odnosi na dio zaliha – Skladište gotovih proizvoda - Žitarice. Stanje na ovom kontu je već izvjesno vrijeme nepromijenjeno, a znamo da ovi proizvodi imaju određeni rok trajanja. Detaljnije opisano u poglavlju 5.1.2. Zalihe i avansi. Pored toga, Društvo zbog finansijskih poteškoća ima blokirane račune u bankama, te shodno tome i određenu neizvjenost sa aspekta procjene mogućnosti nastavka poslovanja Društva na dugi rok.

MIŠLJENJE REVIZORA

Prema našem mišljenju, priloženi finansijski izvještaji prikazuju realno i objektivno, u svim materijalno značajnim stavkama, finansijski položaj Društva na dan 31.12.2018. godine, kao i rezultat njegovog poslovanja i novčane tokove za godinu koja se završava na taj dan, u skladu sa Međunarodnim standardima finansijskog izvještavanja (MSFI), osim za dijelo koje smo naglasili u Osnovi za kvalificirano mišljenje.

OVLAŠTENI REVIZOR
ABADŽIĆ ENVER master ekonomista

OVLAŠTENI REVIZOR
ENVER (MEHMED) ABADŽIĆ
AMG 131195011557

Brčko, srpanj - juli 2019. god 44/1

